

60. *Item*, quanto a la letera, debbi dar favor al rescatar la dona di sier Cabriel Venier, è a Coron, per li ducati 211 mandati; risponde, farà el possibile; et è assa' zorni intese, esso sier Cabriel Venier esser morto. *Item*, scrive come era reduto con l'armada li a li Guardiani, per andar a Santa Maura, poi in le aque di Corfù. *Item*, la navè, mandò za assa' zorni in Candia per vini e formazi, non è venuta, ma, zonta
 541 la sarà, vederà di reussir dil tutto, e li darà a li sopracomiti a conto dil credito lhorò. *Item*, manda la nota di vini tolseno li spagnoli al Zante; avisa dil zonzer li una caravella, vien da Trani, con miera 85 biscoto e stara 1020 di orzo; lauda quel provedador da Trani, per la solitudine sua, e sier Antonio da cha' da Pexarò, *quondam* sier Lunardo, ma non à il modo di pagarli; li à fato letere etc. *Item*, il biscoto da Venecia è perfectissimo, e di tal pan galioti si contentano. Da Corom nulla ha; crede procieda per le provenze usa.

Dal Zonchio, di sier Hironimo Pixani, provedador di l'armada, date in galia, a di 4, hore 6 di note. Avisa il zonzer eri li la nave, patron Piero da Liesna, e intese la nuova di l'aquisto di la Zefalonia, et riceveve miara 25 biscoto, stara 500 formento, orzo stara 100, schaloni 30, et ducati 200 in uno gropo, et in do barili tornesi ducati 200; si duol sono pochi, per esser ivi più di 200 stratioti che moreno da fame; et è cavali 100, di qual ne moreno in mezo la strada; *etiam* il populo muor da fame; non sa chome governarsi; et il zeneral dete licentia a sier Francesco di Mezo, sopracomito, vadi a lui. *Item*, ogni di turchi vien li, di e note, a dar fastidio a quel locho, sì che stanno con pericolo; e quel locho volze tre mia, e ha 4 galie mal conditionate e in hordine, sì che voria averne altre 6 galie. *Item*, di e note fanno la guarda e lavorano, sì che sono i aseni del diavolo; e in castello è mal in hordine, e quel provedador à lassà bruser li mantelleti, civiere e lanze; e lui, Pixani, à simplice comission dal zeneral; perhò convien taser, ma si l'avesse, faria etc. *Item*, ozi à fato impiehar uno rebello traditor, chiamato Polo Stiliano da l'Archadia, qual à fato grandissimi danni, e fo causa di la perdeda di Modon e Maronada; et fu preso la note passata da alcuni nostri stratioti, e menato li al Zonchio con uno suo compagno; et inteso da molti testimonij, lui havia taia su la vita da li rectori di Modon, el qual portava biava al bassà di la Morea, sì che lo castigò come el meritava. *Item*, replich li cavali di stratioti moreno da fame in mezo la strada, e le zurve di le galie sono tute amalade, e la guarda dil

castello è grande, è nudo di ogni ben, sì che non sa che dir.

Da Corphù, dil baylo et capetanio e provedador, di 17. Come le galie di viazi zonseno li a di 16, et starano li fin el zeneral li dagi ordine. *Item*, l'armata yspana, a di 8, tolse licentia per ritornar in Sicilia, et l'altro di capitò li el governador di Cotron, veniva di l'armata con una barza e do caravelle, e andava in Sicilia per vituarie. *Etiam* capitò li do barzoti con vituarie, venivano di Sicilia e andonò a la volta di l'armata, sì che sperano non harà più sinistro de vituarie. *Item*, l'horo à spazà gripi con vituarie a l'armata, a di 14 expedi el maran, patron Antonio da la Riva, con miara 209 biscoto, venuto da Venecia, e monition. *Etiam*, expedi una caravella venuta da Trani, con stera 1020 orzo e miara 83 1/2 di biscoto; et eri *etiam* zonse la marciliana, patron Marchesin Corteler, expedita da Trani con stera 1690 formento, farano biscoti. *Item*, per le galie riceveteno letere zercha li syndici; ànnò exequito etc., e li manderà il processo, et una letera per li cai, examini Giacomo Coltrin sopra la materia. Dice dito Giacomo è andato a la Zefalonia. Per l'altra letera, à ricevuto li ducati 900 per pagar li provisionati di castelli, e doman li darà la paga; qualli sono mal contenti, e hano expedito il secretario con gripo a l'armata, *videlicet* quel domino Francesco Floriano, vol dir.

De li ditti, di 22. Eri zonse de li X galie grosse, con sier Giacomo Venier, capetanio, qual in quella note si leverà con galie 3 per Brandizo, per ordine abuto dal zeneral; e le altre vano con le galie di viazi; manda letere dil zeneral, e hanno inteso il zonzer in arma' dil biscoto; e, ozi terzo di, spazono una naveta di biscoto da Trani, la qual eri, per vento, la tornò im porto, sì che aspeta tempo; l'horo atendenò a le fabriche, et è fornita la scarpa versso il porto con el torion contiguo, el qual, per esser grosso oltra misura e tuto pieno, à consumà assa' piere e calzine, e à manzà do calchare. *Item*, da drio di Castel Novo, al monte di San Sydro, era una eminenzia di saxo vivo, che feva quasi uno bastion a lo inimio, e si poteva per mar montar sul monte; l'hanno fato dirupar fino a raso aqua; et *etiam* dentro la cittadella non si resta dirupar el saxo vivo. Laudano sier Marco Antonio Contarini, provedador dil castello; et era cussi a Castel Vecchio, versso el vescoado, *adeo* si poteva da drio via andar a le porte dil castello, hanno fato levar ditto saxo, e luni reducano tutti i murari dal turioni et scarpa a la centa, principiata per il Coltrim; la qual serà el Cato Ca-